

# LATGOLAŠ VĒRDS

Kristīgu Zemnieku Partijas avīze

Abonešonas maksa 1927. g.  
ar paisytiš. par 1 gadu Ls. 2. 80  
" " " 6 mēn. Ls. 1. 40  
" " " 3 " " " 72

REDAKCIJA un KANTURS:  
REZEKNE,  
Atbreivošanas alejā, № 38.  
Telefons № 127.

Sludynojuumu maksa:  
par viensleju petita rindīnu  
pymā lopus pusē . . . 50 sant  
tekstā . . . . . 35  
Sludynojuumu daļā . . . 16

№ 42.

Trešdīņ, 19. oktobra, 1927. g.

Devītais goda gojums.



14. oktobrī š. g. pēc garas slimības šķeires nu šo pasauli

## Odums Grebežs

un pyrmdīņ, 17. oktobrī tyka apglobots Osyunes kopūs.

Nuskumuši radiniki.

### Ku Latvijai dud kreiso valdība.

Naapskaužamā lumā atsarun ti, kas ir spisti aizstovet izagozušu, caurkritušu un bankrotejušu darišouu. Vinim jorunoj pretim naapgožamim faktim un joapgolvoj tys, ko nikaidā ziņā nav spejams pirodit. Taidā naapskaužamā stovukli ir atsaroduši myusu progresisti. Vini ir vinigo latgališu saujiņa, kas iit kreisajā koalīcijā un viņu atbolsta. Par šo lobumim, ku pi tagadejos valdības sajam, progresistim jopylda nužalojams lakeju omots un jobungoj kai „Jaunos Straumes“ lopos, tai ari mitingūs par kreiso valdības nupalnim. Un tej lyskošona soc topt tik ribiga un napanasama, ka palik žal tautišu — latgališu; — redzit, sorkoni baltišu barveži ir lykuši myusejus pi taida atsakratīšonas ciniga dorba. Pisaklausut tyvok progresistu runom, dabojam dzerdet natycamas litas: Tagadejo valdība asut vysuloboko, kaida tik mums asut bejuse, vysi jos suli asut nusvarti, vysi pasokumi saskapoti un izpilditi vinigi tautas lobā. Izit tai, itkai leidzšinejos valdības tikai maitoja, zoga un nuzigumus darija, bet tagadejo dora tikai lobus, teicamus un svetigus dorbus. Un vyss šitys teik runots ar taidu vaibstu, itkai vyss teiktajs byutu patisiba. Nužalojami cilvecini! Sovā pakalpigajā glaimošonā socialistim un kreiso valdības lilešonā vini aizmerst vysas rubežas un steivejas ar lilešonu pat tur, kur poši socialisti ir spisti pisaraut.

Taču nav nikajds nuslapums, ka poši socialisti na tik ružaini nuvertej tagadeju kreisu valdību, kai tu dora myusu progresisti. Socialistu darbiniki ir atroduši par spejamu teikt atklotibai dažus vysā ryugtus vordus par tagadeju koalīciju, par jos dažim luceklim un par kreiso

valdības darbību. Bidris Menders tik nasaudzigi sukojis kreisu valdību vairokūs mitingūs, ka pats ticis izstumts nu social-demokr. Centralos Komitejas. Bidrs Dukurs „Socialdemokrātā“ plaši izarunoj par tagadeju valdību un nunok pi vysā bedigom atziņom. Kreiso valdība atgojuse kai skanigs mokunis, ar lelim sulejūmim un mojinim. Jau pagojūši 9 mēneši, kai valsts grūži atsarunot soc. demokrātu rukos, bet panokumi asut vysā bedigi. Jo tai toļok išt, tad socialisti varut suli pa suļam, pat namonut, izsaiminokot vysu sovu politisku kapitalu un vinā dinā atsarast pi sasystas siles... Socialistu lidrs skaidri atsaeist, ka kreiso valdības darbība naasut bejuse ražiga; viņa eisa laikā izšķerduse sovu kapitalu; nokutnē teik niko vairs naspešut dut. Tai tad skanušajs mokunis byut izrodijis sauss un tukšs. Sorkonos koalīcijas sile jau sasysta, — na tik sasysta, bet pimurdynota. Koalīcijai soc pitryukt spaka soka Dukurs, lai sevi attaisnotu. Tymā vitā, lai izvastu sovu programu, viņai draud situacija dorbotis tikai tymā verzini, lai sevi uzturatu... Bet ari tys viņai nav vairs pa spakam. „Ari valdības takušajs praktiskajs dorbs var radit vasalu rindu sarežģijumu un plašokos masos... Šaida politika parlamentarizma ikortu kompromitej un jauc pašūs pamatūs un lej yudini uz vysaidu pučistu dzernovom... Klau, ku soka sociku lidrs! Tagadejo valdība kompromitej parlamentari-

nu sajusmas. Tu latgaliti, redzit, var jau muļkot...

Bet klausamis toļok Dukura du mu pavadini par kreisu valdību. Viņa navarut kortigi dorbotis, todel ka „daļa nu koalīcijas dalībnikim atrud par ispejamu „izmontot“ sovu stovukli un saistit sovu par un, pret bolšošonu ar zynomom pretimnokšonom atsevišku vinmar jaunu prasību izpildišonā. Tikleidz prasitoji pabaroti, vini pagriž muguru, vai uzastoj ar jaunom prasibom“. Ar šu socialistu vodunis atkloti atsaeist, ka tagadejā koalīcija nuteik andelešonos ļuti plašā apmarā. Teik prasīs, pidovots, sulits. Varas veiri nu koalīcijas dalībniki reikojam na pec līderības, bet ar personigim un šauripartejiskim izrekinim pec šo pamatteikuma. „Jo pikrissi munom prasibom, es bolšošu par tovom“. Ir skaidrs, ka Dukura k-gs par taidim andeles veirinin tagadejā koalīcijā sauc demcentristus un progresistus. Bet mes zynom, ka vysi koalīcijas lucekli ir vinaida sorkonuma veži. Nuroks soka: „Jo naporvessit žaidu lykuma, jo naatbreivosim žaidu kariviu nu kara dinasts myusu Jauno Gods dinā, mes nabolsosim par terdznicibas leigumu ar Kriviju“. Socialistim to leiguma gribis, un vini pikreit Nuroka prasibom. Puli deputati soka: „Jo Kroslovā, Kombuli un cytos vitos klot pi teiri puliskom pamatskulom ari latvišu pamatskulos naivessit puliskas paralel klases, mes bolsosim pret koalīciju un jyus zaudesit ministru vitas“. Myusu progresistim žal atstot syltos vitas, un vini pikreit latgališu porpuļot. Taipat vini pikreit krivu voludu nustodistodēs. Brunišs soka: „Jo napikrissit piškert pabolstu „sisinim“, mes napikrissim pabalstīt jyusu progresivus veikalus un jyus sasarausit kai asari pec norsta“. Progresisti, saprutams pikreit. Kai radzams, tad taida andelešonos teik pikupta tagadejā koalīcija nasaleidzynomami lelokūs apmarūs, na seņok. Paši socialisti ir spisti atzeit, ka it švaki. Taču tauta vysu daboj saust un dumigi sagrumboj piri pret tukšajim pašlilim. Dukurs taidu stovukli atzeist par normalu un meklej vainigo. Tamlaikam myuseji — progresisti, nikaida ļaunuma vysā pikuptajā andelešonā naredz. Pec viņu dumom vyss it kai pa taukim un niko loboka naatlīk veletis. Vini sapynoņ apreibuma migā un taidā kib Baltijā vysu Latgolū. Tamlaikam Baltijā apreibuma murgs jau soc izkleist un pec sorkonos valdības 9 mēnešu gara myuža soc manitis pagiras. Paši socialistu voduni žovoņ un žauktoņ pagiras un soc bažotis par andelem un šan-

tažim, ku pikuput tagadejos koalīcijas dalībniki.

Kreiso valdība ir pivyluse tautu. Orejā politikā viņa ir kompromitejuse Latviju orzemniku acis, naporprutamī airedama uz Krivijas pusi. Ikšejajs stovuklis ir paslyktynots, jo socialisti ir dorbojušis vinigi tymā verzini, lai paosynotu škiru naidu un provocetu namirus. Zemniku intereses nimos nateik ivarotas. Latgola tyka izporduta. Cytaiž navareja ari byut. Kad valsts grūži atsaroda andelņiku, šantažistu un nuteiktu ropotoju uz „matuškās“ pusi rukos. Tagadejos koalīcijas lucekli vorDIM ir raksturojuši pošus sevi), tad niko loba navareja un ari navar gaidit. Politiskajs kapitals, ar ku kreiso koalīcija laides dorba, tyka dreizi izšķersts un sile sasysta; andelešonos un šantažs pasaroda vysā sovā plykumā. Teik kolpots na valstei un tautai, bet partijom un vodūņ seikom interesem. Šis šaurajs un seikajs partejizms ir gojis tik toli, ka paši socialistu ministri ir spisti tu atzeit. Finansu ministrs Bastjanis „Socialdemokrātā“ pimat sovim partijās bidrim, ka ti porok šauri turutis pec sovas vin škiras interesem. „Veselīga organizmā navar dorbot vins organs un valsts navar dumot tikai par strodnikim vin. Jo Latvijā byutu ivarotas tikai strodniku škiras interese, tad na tikai strodnikim nabyutu lobuma, bet, varbyut, nabyutu ari Latvijas“. Ja, leidz šam vysā kreiso valdības gudriba izgoja uz tu, lai apmirinotu strodniku un piļsetniku vin vajadzibas. Ar cytaidu nukaņojumu socialisti napisadola valdībā. Jo socialistis porstoj padzilnot škiru naidu un mirejas ar cytu škiru vajadzibom un interesem viņš nav vairs socialistis. Te Bastjanis prosa nu sovim bidrim naispejamo, pruti: lai vini atsalidz nu sevis. Socialisti uz tu navar it. Vini naatzyna un naatzeis cytu škiru interešu. Vini ir dorbojušis un tagad dorbojas tikai vinas škiras lobā. Ikvina kreiso valdība beja un byus šauri partejiska un tautai nu tos nav ko gaidit. Tikai myusu progresisti šito naspej saprast. Iks.

### VIĻANU NOTARA KANTURS

nu š. g. 20. jūnija a'sarun Viļanūs Rezeknes ilā № 4.

Viļanu notars A. Driķis.

Drukotovas „DORBS un ZINIBA“ magazinā Rezeknē, Atbreivošanas alejā № 38 ir dabojamas lobas gromotas.

# Par špionažu aresteti 34 cylvaki.

Naktī nu 9. uz 10. oktobri porgoja par mynu rubežu G.P.U. Krivijas komunistu golvonus politisko porgalde Incekli Nikitins un Zylupa pasacija mynu policejas prikšnikam, ka jis asut atvedis evarigas ziņas, kurat gribat nadat valdibai. Par šu nutykumu tyulit tyka telegrafets uz Reigu, un kuries uz Lidza bez kavešonas izbrauce valdibas prikšstovis — ikšlita ministra bidrs. Un patiši Nikitins pasnedze sarokatu tus, kuri ir saistitjūs ar Krivijas Golvonu Politisku Porvaldi un tai pasnadz dažaidas ziņas, sajimdami par tu Jūdaša grošus pa 20, 40, 60 latu skotutis pēc pasnigtu zīņu svarīguma. Pēc porbaudišonas vysa to, ku Nikitins pasacija, nusa-skaidroja, ka patiši špionešoni ir imaiseti kai rubežsorgi tai ari daži idzeivotoji. Uz ivoktu zīņu pamatā tyka areseti 34 cylvaki. Napratynoti, atzeiti un nūduti prokuroram 24 vainigi, kuri vysai ivitoti Rezekes citumā.

Storp apciltynotim ir divi rubežpostīņu prikšniki: Kornilovičs un Mickavičs.

Aresteti sasadola tai: — 12 rubežsorgu, 3 dzelželcējniki, 2 mežsorgi un 6 privatas personas.

Dzelželcējniki ir socialista partijas bidri un tyvoki slovono Zeibolta leidzdarbiniki, storp kurim golvonu lūmu biži vin spēlētis kaidis Radzeiko, kurs biži vin darejis napatikšonas latgališim-dzelželcējnīkim, un caur ja navins latgalite ticis atlaists nu dinasta.

# Saeimas sede 14. oktobrī.

Nūsola nacionalos apvinibas deputata K. Kuļa atsasacišonu nu deputata omota.

Pēc tam it moz veribas peļņejušas porunas par pašvaldību lykumu, par pašvaldību veleşonu laiku—oktobra mēneš, par karaveiru drebu nosošonu tim, kuri atvalynoti nu kara klausibas dinastes.

Golā nacionalajs bloks ar cytim opozicijas deputatim

isnadz piprasījumu kreisai vajdibai par pretlykumbom un skulu dzeivi dezorganizējušu un demoralizejušu reicibu izgleitibas ministrijā.

Piprasījumu motivej deputats Arveds Bergs, smolki aizrodidams vysas nalykumibas izgleitibas ministrijā, ka tur skolotjus atlaiž nu omota bez piteikušim imeslim, porceļ nu vinas uz utru vītu, vysi skolotoji tric zam socialistu terora un lik prikšā piprasījumu apspriest steidzambas kortībā.

Steidzambā ar kreisos koalīcijas, puļu, žaidu bolsim nuraidita un piprasījums nūduts komisijā, kur ja socialdemokrati tures tik ilgi, cik jim patiks.

Sedi sladz 8,40 st. Nokuša sede 21. oktobrī.

# Reigas gudolgota adeitovu darbnica I. A. Poradņa

Rezeknē, Vinības (Vakzales) ilā 23. Pijamu daždažaidus adišons pasyutijumus, izpylda pa ļuti maronom cenom. Turpat pijam mocekles.

# Kritika ticibas litôs.

(Turpynojuoms.)

Te joatzeimoj, ka atsevišķu Baznīcas tavu sasagumi kritiskas dumsosnas lankā nu uz vina rovini topa par Vysporejos Baznīcas iskotim. Tas sasagumams otkou nu otkou porbaudeja, saleidzynoja ar tradiciju nu apostolu laikim, vai ar tim iskotim, kaidas datajā mocibas gobolā izrodija dzeivo Baznīca, pruti: tieige tauta. Jo kaidis mocibas gobols iztureja vysus šus porbaudiju mus, ukai tad, vajadzības gadinā, viņi formuleja vysporejōs sapulcēs, un tika: tod viņš topa par ticibas gobolu vai dogmatu. Ikvinam Baznīcas dogmatam ir sova vesure; ikvina mocibas gobolā tyka iguldits dandzi prota dorba, dandzi kristiskas dumsosnas. Dogmati topa, tys ir — atsateistjā nu nubrida naportraustā ceinā ar pretejum iskotim, un todeļ viņus var saukt par kritiska prota sintezi ticibas litōs. Pi golvonu dogmatu izveidošonas strodzja vysuleloki geniji un zidoja viņu izstrodšošanai sovas miļža dovonas. Pimaram mineša kristianizmas pamatdogmatu, pruti: Jezus vuleidzību byntībā ar Tavu. Šos mocibas aizstovešo-nai nu izveidošoni sv. Atanasijs veļteja vasali 45 godi. Viņam suplok strodzja ari cyti apdovynoti veiri.

Utra intesivas kritiskas dumsosnas laikmets beja lelu skolastiku laiks 12—14 godu symtā. Skolastiki ar sv. Tomasu prikšgolā turpynoja Baznīcas tavu isoktu dorbu, dybynodamis golvonā kortā uz Aristoteļa filozofija. Vini paredzeja nu nuverteja vysus ibyldumus nu pormatus, kaidi tik ir ispejami pret kristigu pasaulja iskotu; vīni poši ceļa vysus jautojumus un problemas, kaidi tik var rastie cylvaku golvā, stovot pordabiski atklojuma fakta prikšā nu deve uz šim jautojumim apmirinojūšu atbīlidi, tai ka vysnasandzigo kritika naspejeļt taidu jautojumu, kas nabyntu paradzati, nuverteti nu uz ku nabyntu data atbīlde.

Un pēc vysa šito myasu bada ar kritiku, kai ar kaut ku jaunu, nadzerdats nu tik ku izgudrotā! Bez kaidas aicynošonas nu liberalu pusei kristianizma stypproki spaki jau ir izmeginojūši nu pilitojūši kritikas pajemipus ticešonas motivu porbandišonai nu ticešonas satura izgaļdišonai nu sistematizēšanai. A. Vonoga aicynojuoms ir nuvalynots nu uszokotams kai lauzšošos valesōs durvōs. Nupitna kritika ticibas motivu lankā katolim ir labi pazeistams nu ari nav tik beistama, kai daži tu idumoļ.

Tai gon, eista kritika nav ticibai beistama. Na kritika, kai taida, ir vainigā, ka daži natic, tys ir: nulidz Diva asambā un atklojum nu caur Jezu Kristu. Jo tik kritika naizaverž par kritiku kritikas deļ, tys ir: par vinpusigā, šauru ordišonas vin dorbu, jeļ gatavoj ceļu ticibai. Bet kad kritika izit nu rubežom un izaverž par slimigu ordešonas manijā, viņa nav vairs kritika, bet jos izčamojuoms. Kad kritiks stojis par dorba ar gotovu iprikšēju apirdumu, tad kritika porsaverž par steivešonus pastypri-not iprikš aizspransus spridumus. Škitami kritiki ļuti biži pilaiž šaida nalogisku pajemini. Vini itkai stojis pi atklojuma fakta nu satura bezparteijskas kritizešonā, vai porbaudešonas. Tam laikam vinim

jau iprikš ir gotovs spridums. Ti jau ir ikritiši ateizmā vai panteizmā. Bet kai ateists, tai ari panteists nikaidu atklojum, breinumu un vyspori pordabiskas kortibas oavar pilaišs aiz to vinkoršā imeļa, ka, nulidznt Divu, vai sakansejnt Viņu ar pasauli, nav kas atklotu nu breinumus daritu.

J kas ar taidu aizspriduma stōjas pi ticibas kritizešonas, tad tur nav nikaidas napitns dorbs,—tur ir vina komedija nu vairs niko. Taida kritiks tikai taloj vai izroda, ka grib unpitni kritizet; patišibī tai nimož nav: viņš sokos dogmatos graudot, bet pats atsaran bezdivibas dogmatu žpangds. Bezdiviga kritiku galvinka Renaus atklotu pisazeist, ka jo vysi kritikas dorbi par Kristus ticiba asut izplyndūši nu vina iprikšspranso dogmatisko spridumu: „Nav itaiko pordabiska!“ Jo kas šam piroditu, turpynoj Renaus, ka kaut vins pordabiskas nutykums (pim. breinums) ekzisteļ, tad šs vysi kritiksi protojumi svizami aiz pakšā. Staidroku voludu navar runot. Kai Renaus, tai ari jo duma bidrus pi naidigim spridamim par kristianizmu vaduse na litiška kritika, na fakti, na uz faktim pamatoti sledziati, bet goa aizspridums, iprikš pilaitajs dogmats, ka, dzerd, itaiko pordabiska nasat.

Ka naticigo kritika ir vinpusigi—šaura šita piroda tys, ka viņai nav nuteikta, naskapota, pašu kritiku aprindōs vysporigi atzeita iskotu par kristigu mocibu. Par ikvinu kristigos mocibas gobolu pi kritikum pastov miļžiga naskariba nu dažaidu duma lela dandzums. Pimaram jimsim Kristus augšamcēšonus. Cik dandzi hipotezu kritika pilitoļ, lai augšamcēšonos fakti nuligit! — Un tamar vysas šos hipotezes (pilaižambas) vina utrai pretim runoj, vina utru nulidz nu apgož nu dybynojas uz cytu hipotezu gruveķļa. Vini pilaiž, ka Kristus nabejis numiris; Viņš tikai apgebis. Valok Viņš atsperdzis nu izropojis nu šopa. Cyti atrun noves fakti par naapšaubami piroditu. Ji pilaiž, ka apostoli Jezus miss izzoguši nu kopa, turpretim cyti kropšonu nu apostolu puses atrun par izslagtu: vīni na kropšni, bet pašī maļdija šis. Golā cyti jamas pirodit, ka apostoli nimož nasludynojaši Kristus augšamcēšonus: duma par Jezus atsadzeivynošonu rōduses jau utrajā godu symtā. Ir skaidrs, ka vysas mynatos dumas par Jezus augšamcēšonus vina utru izladz. Jo šaids raibs duma dandzums ir radis par vinn nutykuma, tad tys piroda, ka niva nu šom dumom nav pamatota, kaut cik dybynota. Šom vysom dumom ir kaut kas kupejs, pruti: aizspridums, ka eistos augšamcēšonos nasat bejis.

Šis dogmatiskajis aizspridums stov dybynā vysom škitami kritiskajom hipotezem par Jezus cēļšonu nu myrunim. Kritikas čempioni (ceikstani) ir tyvynojušis šam kristianizma pamatakmpimam nu vysom posem; ir apakojušis, gribadami viņu satricynot. Bet vēltigi ir viņu pyulini! Kritikas veiri ir pirodejuši tik sovu nakritiskuma, sovu naspaku nu sovu nanderibu. Šaida vinpusigo kritika navad pi patišibas: viņa tikai drumstaloj patišibu un inas haosu dumdā. Viņa lilejas darit goru breivu nu dogmatim, bet patišibā viņa grynž tai paklausigus gorus verdzibā, — uz otru ruku

byvatu, naporbauditu hipotezu verdzibā. Taida kritika nadud niko pozitiva, viņa naizbyvay, bet orda. Šaida vyltus kritika nadud patišibas; kadlā vitā viņa baroj goru ar myzas drumstalom. Taisniba, taida kritika sokos graudot kristianizma akto; viņai ir lelas prebenzijas nu stypra liliba, be: moz patišibas, moz kadalibas. Viņa nav eisto kritika; viņai nav to patišibas maļamo, todeļ viņa pašā sevi samaj.

Glūži certaida ir eisto, nupitno nu litiško kritika. Teļ mekleļ patišibas, pi nupitno dorba stōjas bez aizspridumim, vinkoršas hipotezes nikod naizdandzynoļ par fakti nu jaunu hipotezu cēļšonā ir apdumiga nu nsvarta. Šaida kritika ticibai nav beistama. Eļ teikšā vairok: kritiska dumsosna ir raicicšama. Lai kristigeļ pasaulja iskots uzvaratu nu topta par izgileitotu aprinda ipašamo, viņam vsjaga bynt dybynotam uz kritiski porbanditas patišibas. Tys tai ari nuteik. Cylvakam ir breivi kritiski dumot nu mekleļ pamatus sovai ticešonai. Cylvaks navar bynt mynžiigi barns. Ikvins cylvaks pordzeivoļ lynzuma breidi ticibā litōs, kad vysu, ku pijeme caur ticibu autoritateļ, soc porspriest ar poša protu un mekleļ pamatu, kas jam subjektivi tu vai cytu ticibas gobolu attaisnoin. Tys ir pilaiži dabiski. Kas ir sokams par atsevišķu cylvaku, tys sokams ari par atsevišķom tantom un par vysu cilveč. Sibidribas ari pordzeivoļ intesivas kritikas laikmetus. Tys process, ku parosti sauc par kritisku vai breivu dumsosnu, ir oois ar filozofa Dekarta nu sovu zida laiku sasnedzis Kanta filozofijā Cylvaki beja sokuši vysu kritizet, apšaubet, vysu nuligt...

(Beigas nokuša numurā).

B.kgs S. Š. K.

# Vocijas katoļu skaitli.

Atteicībā uz nalykumigi dzymušu gadijumu, jopizeimoj, ka pi katolim taidu, samarā ar ļuterim, ir ļuti mozs procentis.

Par padeju godu desmitem šej statistika izaskota, kai roda šeit pivasi cypari:

1913. g. nu katoļu mot.	60%	nu ļut.	100%
1920. „ „ „	8. „ „	12. „ „	12. „ „
1920. „ „ „	8. „ „	12. „ „	12. „ „
1920. „ „ „	7. „ „	11. „ „	11. „ „

Pēc kara nabadziba atstōja ļaunu ispaidu uz tautas, topec orlaulības gadījumi, vyspori pasavainioja tumar, katoli ir mozok paduti šai ļaunai parodibai.

Laulību škeršonas dati ir dizgon interesanti. Atseviškas provinces tai iztaskota uz kotras laulību tyukstušas.

Prusija. 1895—1905 g.; pi katol. 9 gad.; ļut.—27; mais. ļaul.—40.

1922—1924 g.; pi katol. 15 gad.; ļut.—70; mais. ļaul. 80.

Bavarija. 1922—1924 g.; pi katol. 21 gad.; ļut.—46; mais. ļaul.—84.

Baden. 1920—1923 g.; pi katol. 21 gad.; ļut.—30; mais. ļaul.—46.

Šeit, kai radzams, lelos pasaulja katastrofas sekas ari padareja sovu ispaidu, kurs tagad, pateicutis Baznīcas pyulem, pi katolim soc mozynotis.

# Sv. Aloizija pasaukšona.

Drama 3 celiņus, angļu voludā rakstijis Boero S. I.

VI. Ti pošu nu Frančesko.

Frančesko. Tet, es nyupat redzeju Aloiziju, viņš ryugti-ryugti raudoja.

Ferante (uz sevi). Patiši es par daudzi borgs beju ar viņu; viņš nabeja peļņejis taidas boršonas. Es nužaloju sovu naapdumibu. (uz Frančesko) Francit, vai tu zyni ko viņš raud?

Frančesko. Viņš man sacija, ka tetiņš napalalde viņa uz Romu. Tet, naryudynoj viņa, atļau viņam izbraukt.

Ferante. Bet jo es viņu palaišu, mums viņa vairs nabyus.

Frančesko. Tikai na maņ. Tač atļovi maņ ari brankt ar viņu reizē.

Ferante. Tai, bet mums, porejim setnikim, viņa vairs nabyus.

Frančesko. Jo tai, jo Aloizs nagrib šite palikt, brauksim ar viņu vysi. Viņš maņ sacija, ka Roma asut daudzi leloka par Kastilijonu.

Ferante (uz sonu). Pat ari šis navainigs barns grib mani porlicynot un pakopt Aloizijam. Francit, mes vysi navairim brankt... na, muns deliņš.

Frančesko. Tulaik palaid viņu vīnu,—vai tad Aloizs nabeja vīnmar lobs?

Ferante. Tai, ļuti lobs un pat cik kom beja veļ moziņš, kai tu tagad, viņš beja svats.

Frančesko. Bet jyus, tet, vinmar Aloizu teicat, kad viņa šite nava, un kad

viņš atnok, vinmar teik borts, kopec tai ira, tet?

Ferante. Nav tisa, deliņ; es vin suļeju viņu pabori. Es vinmar Aloizijam lobu veļeju.

Frančesko. Jo viņam veļejat lobu, tad kopec naatļauņat viņam izbraukt uz Romu, pec kuras jis tai slopst?

Ferante (uz Nazario). Vai tu redzi, kai šis izaturis, ku tu dumoj par tu?

Nazario. Vinkoršiba un navainība skaņ nu jo lyupom; kas var zynot, varbut, pats Divs kustynoj viņa meli nu dud vordus?

Ferante. Skrip, Francit, numireļ Aloiziju.

Frančesko. Vai pasacit viņam, ka jyus atļauņat viņam izbraukt?

Ferante (uz sonu) Kai viņš ivaroļ. Pasoki viņam, tai, — pasoki, ka es viņam lobu veļeju (Frančesko izit).

VII. skots.

Zuanio (iskridams). Kungs, nu Džiufres piļs isaroda raitus sytnis un atnese jums šu vestuli.

Ferante. Kas viņu syutija?

Zuanio. Es nalasiju.

Ferante. Es tevis vaicoju, kas syutni atsyutija?

Zuanio. Syutnis soka, ka vestule asut nu Martas kundzes.

Ferante. Tad vajadzēja par reizi tai pasacit.

Zuanio. Jo jyus byutu tyuleņ izlasijuši vestuli, byutu par reizi izzynojuši kas viņu ira syutejis.

Ferante. Vinmar jau tova taisniba. Zuanio. Kad namaloju, vinmarsoku taisnibu (izit).

Ferante (porpleš vestuli un losa uz sonu) Ak Divs, še uzbrukums nu jaunās puses (sajusmynots leidz osorom).

Nazario. Kas taidis ira, vai slyktas ziņas?

Ferante. Na. Pasaklausis ku muna siva, kundze Maria roksta (iosa bolsā): „Es izzynoju, ka Aloizis atkloja tev sovu pasaukšonu, sirsnigi lyudzu tevi nasapretoļ šai jo svatai gribai, kas, kai var dumot, it taidu nu dabasim. Tyuleņ pec atsagrizošonas nu Spanijas, viņš maņ izstostija, ka Madridā, reizi viņš lyugdams Divu baznicā, izdzerdis skaļu nu skaidru bolsu, kurs licis jam istot Jezus Bidribā — Romā. Tai ka navar šaubetis par viņa pasaukšonu, nedz pretotis viņam, naapkaitynojut Divu, topec es jau nu vysas sirds upereju viņu Divam un pasajovu uz Viņa svatas vajās. Tev vajaga papildit mūnu uperi nu dut viņam sovu tava svetibu. Es saprutu, cik daudzi byns skumes nu sirds sopju škirutis ar tai mīļojamu dalu, bet Divs cytaidā veidā par tu mums kupli atmoksos“.

Nazario. Vai es nasaciju, ka Aloizija pasaukšonā ira skaidri radzama Diva ruka?

Ferante. Patiši tai! Nav ispejams tu nuligt. Skumes mani komoj, par ku es tai nagudigi viņam maisiju. Bet es beju porjims ar dumsi, vai, pareizok so-

Na nazario. Lai tad tos skumes jyusu vairs nakomoj. Aloizis labi Jyusu saprosdams, ka jyus vin nu lelas mīlestibas pret viņu, nagribeļot palait, nu vysas sirds jums pidus nu naporstos jyusu, kai vinmar, cinet nu mīļot.

Ferante. Tai, laigon ceški asmu es bejis par imesi ļu skumem, tumar asmu porlicynots, ka viņš vinmar mani mīļoja, cineja, beja lobs un paklausigs dals.

Nazario. Topec niko nagaidut ej pretim viņa svatai gribai.

Ferante. Tai, vajaga viņu palait, jo, kai var redzet, taida ir Diva vaļa. Bet tu, milajs muns Nazario, navari saprast, kaidis dziļš ivaiņojums nu jauna atsaver mūnā sirdi. Es gribatu patureļ js kaut dažus mēnešus... Ach, dorgajs deliņ, tagad tikai es galigi saprutu, cik daudzi es zaudēju tevi palaisdams.

Nazario. Kungs, viņu aitzuradams, nimož nasamozynosi sovu skumim, bet veļ pavairosi. Ku ilgok nagribesi škeritis tu gryntoka byus škeršonos. Dori pakāļ kundzes Martas skaitam pimaram un at-rassi eistu miru.

Ferante. Ach muns Divs! Kaidu sopigu porbaudijumu esi maņ syutejis. Laigon, patišibā, gors ir styprs, bet mīsa voļa... Tai, lobok dreizok pabeigt, kai byus, tai lai ir. Fiat voluntas tua. Lai nuteik Tova vaļal... Tad jamu atpakaļ sovu ļaunu pretošonus, bet na... zaudēju Aloiziju uz vysim laikim... Bet tamar golu-golā noksis ar viņu kod navin škeritis.

(Toļok veļ byus).

Vysuzamok mums acis svižas pašo-  
vības skaitli. Tamā laikā, kad pi luterim  
un cytim šausmīga parodība snadz leidz 20%  
nu 1000, katoļu apvydi nāpīdzeivoj taida  
daudzuma pat uz desmitem tyukstušu.

Kas atsateic uz ordeņu uzplaukšonu tod  
vīstīgt josapricoj. 1926. g. beja Vocija.

vocišu klust. 559., luc. 10458.;  
piavgums „ 39., „ 1754.;  
sivišu „ 6619., „ 73880.,  
piavgums „ 240., „ 4134.

Baznīckungu skaitlis pret nutecejušu  
godu pianga uz 5,17 procentim. Nu 1920 g.  
leidz 1626. g. uz katoļu ticību porgoja  
39.278; atstoja Baznicu 15.148. Padejās  
skaitlīs runoj Vocijas tautas saimniskisko  
krize, kura laikam, izniiks tik pec garoka  
laika.

Tagad pajemsim priķš aprekinošonas  
gorigu apkolpojumu skaitli. 1925. g. tyka  
nuslagis Baznicā 96.890 teiri katoļu lau-  
libu, — 86.200 jauktu laulību, Kristibas  
cypari pi teiri kat. dzymdynotojim šamā  
pat godā leidznojas 99,7%; jauktu lau-  
libu—45%; orlaulību gadījumū 93,21%; pi  
luterim un cytim 52%. Pi paglobošonom  
tyka turats sv. Mišs un pavadija myruni  
goridzniki gadījumūs leidz 99,8%. Vocija  
ir nudybynota seviška apglobošonas komi-  
sija, kura arī materiali paleidz trykuma  
gadījumūs. Pateicutis šos istodes darbībai  
ar vīnu sok zust mīsas sadadzyošonas  
procents, kurs pi katolim leīdzigs nullei.

Lai gon Vocija pordzeivoj veļ tagad  
osu badu dinas, tumar katoļu gors natyka  
salauzts. Vini seviški kortigi izpylda so-  
vus klusteru pinokumus; jopivīnoj, ka Baz-  
nicas nudukļu moksotoju skaitlīs snadz 85%,  
sv. Miša svatdīnes dina klausitoju 92%,  
leldīnes komuniju 98%, pi kam uz kotra  
praktizejušo ticigo iznok apm. 12 komu-  
niju. Un šī skaitli pastovīgi nok uz augšu.

Labi bytu tagad pateikt pors vordū  
par katoļu kongresim, vai kai tur soka par  
katoļu diuom. Taidu sapuļču vajadzību  
skaidri atzeist vātrums ticīgu vocišu. To-  
pec viņas labi nustoda un bogoti ap-  
meklej.

Kongresi ir kai vins nu vysustyprokim  
īručim apkarot bezdīvības sludynotoju mo-  
cības, tykumisku porjīmšonu, un ceļt aug-  
šok katoļu apvīnību vyešs sabīdrīskās iau-  
tojumūs. Pyrmo katoļu dina nutyka 1848. g.  
un tulaik viņa veļ tai nādrūši skatejos  
plašos molas zemē.

Leidz šam Vocijas katoli nutureja 66  
kongresi, kurās lobs pulks slovouu runo-  
toju laseja apbreinojamus referatus par  
dzeives dāgušim jautojumim. Katoļu di-  
nas ir vīna nu vysuskaistokom Vocijas  
vestures loppusem, kura izroda tautas go-  
rigu bogotību un ideālu skaistumu.

Atzeimosim tik dažus ivarojamokus sa-  
braucīpus, kuru datumi byus deļ mums na  
bez kaidas interesēs.

Katoļu diņā Mainā, 1892. godā jeme  
dalību 100 presēs porstovu; var dumot cik,  
vyspori, beja apmaklatoju.

Munchenā (25—29 aug. 1895. g. klot  
beja 180 avižu un laikrokstus porstovu.  
Sabrauceju skaitlīs sūdze ap 12.000.

Manuteina masu sapulce nutyka 1902 g.  
Deļ šo tyka pazeimots 100 specialu vil-  
ciņu, 20.000 personu jeme dalību svīnīgā  
gojīnī pa mīsta ilom, golvonos runas nu-  
tureja slovonajis katoļu laikrokstu vadītojs  
Dr. Cardanus. Šeit presēs jautojumi tyka  
atteicīgi izškerti.

Mīlzigu Vocijas katoļu spaku izrodeja  
kongress Essen'a 19—23 augustā 1906 g.  
Apmaklatoju rekīnoj ap 50.000 cylvaku.

62. katoļu dina nutyka Munchenā nu  
27—30 aug. 1922 godā 100.000 personu  
beja ibraucis, lai dut licību par katoļu vi-  
nību, kura volda na tik Vocijas ticīgu, bet  
vysa pasaulja Baznicas baruu vydā, jo na-

trynka delegatu nu vysutojokom zemes  
molom.

Tik daudzi par kongresim. Nav isre-  
jams teikt vysa par vīnim, seviški par Vo-  
cijas katoļu dušīgumu, šimōs nādaudzejōs  
rīndiņōs.

Bet, rodīs, ka augšmyntajis jau byus  
par piteikušu, lai kotrs protīgs tu palasejis,  
varatu padarīt sledzīni: katoli vāirīnojas  
un palik styprokti.

### ORZEMES.

#### Zemes trices Vinē un Persijā.

Persijā, Haraonas provincē nutykuse  
dizgon stypra zemes trice, kas gon vyl  
kuses tik 8 sekundes, bet tumar nudariti  
provi materiali zaudejumi. 3 cylvaki nu-  
novati un lels skaits ivainotus.

Arī Vinē (Austrijā) nutykuse jauna zē-  
mes trice. Svadortīs sadzā apakšzemes  
gryudīni bejaši ļuti stypri. Vysi idzeivo-  
toji panikā baguši un vysu nakti pavadiju-  
ši zam klajas debess.

#### Cik Pad. Krivijā komunistu.

Nu Moskovas ziņoj, ka šugod uz 1. ju-  
liju komunistu partijā pa vysam bejis  
1.199.616 bīdru. Vysā Pad. Krivijā tagad  
ir 145 miljoni idzeivotuju un tai tod, uz  
kōtrīm 120 idzeivotojim ir vīns komunistis.  
Vysvairok komunistu izastojūši nu 1924—  
1926. godam; tagad komunistu partijā bīd-  
rus skaits laisutīs sasamozynot.

#### Kosciuško sirdi porvess uz Varšavu.

Pulijas breivības cīnitoja Kosciuško  
sirdi dreizā laikā porvessūt nu Šveices,  
kur teļ tagad atsaran Rapesvilā, uz Var-  
šavu.

#### Rakovskis atstoj Parizi.

Pad. Krivijas syutnis Francijā Rakov-  
skis atstojis Parizi nāisnādzūt Francijas  
valdībai atsaukšonas gromotu.

#### Politiska slapkavība.

Pragā, kaidā visnicā, ar revoljvera šo-  
vīni nugalynots Albanijas syutnis Ēko-  
slovakijā Cenabejs, kas reizē bejis arī di-  
plomatskajs porstovis Dinvydslavijā.

#### Aizbaguse ar mīloku

Rumanijas karaļa meita. Viņas leigavai-  
nis asut kaidis jaunis flotes versniks un  
bejušo karaļa Ferdinanda adjutants.

#### Pulijas ministru prezidents

maršals Pilsudskis tyvoķā nokutnē iz-  
brankšūt uz Romu, lai sasatyktu ar pavestū.  
Storp pavestū Pija XI. un maršala Pilsudsku  
pastovāt draudzība nu tim laikim, kad P. J. XI.  
dzeivotīs, kai nūnoija Varšavā.

#### Pulijas valdība ivaduse ukrainu voludu

vysōs puļa vydskskulōs, dinvydāstramu  
apgolōā.

#### Profesoru protests Padumiu Krivijā.

Naseņ nutykuse pašoovība, kurai par  
apuri kritīs pazeistamajis ukrainu zynotniks-  
vesterniks Šērbakovskis, uzrodit kai paš-  
oovības imesli, nacišamu pad. Krivijas val-  
dības apsaīšonu ar zynotnikim un ar vīnu  
poša.

Pošlaik 80 krīvu dažaidū angstakulu  
profesori nu cyti zynotniki azadrušinojaši  
parakstīt petīcieļu valdībai, kurā iz'eikts  
protests preā nacišamu zynotniku stovakli-  
no teikt prasitas lelōkas nteikšonas uni-  
versitatēs.

Ukrainas izgleitības komisars pidraudē-  
jis profesorim ar „G. P. U.“

#### Leningradā nugalynots piļsatas komendants.

Nu Piterpiļs ziņoj, ka nazynomi slapkovas,  
kurim izadevis izbeigt, nugalynojuši piļsata  
komendantu Sergejevu. Golvono piļsatas por-  
valde izdorūt plašas kratīšonas un arestus.

### Želiga valdišona.

Ak tu kungs, cik želiga  
Deļ zemnikim mums valdībai!  
Tu apskaidrot pat byutu liks,  
Bet tumar, maņ tai itkai priks  
Par viņu drusku parunot  
Un par lobumim tur klot,  
Ku izdola mums valdība, —  
Ti veida ir daždažaida.  
Par pīmaru, te pat mums še,  
Mums tyvā mīlā Rezeknē  
Taisa posta nomu jaunū...  
Ja, — myusu „lordim“ tak par kaunu  
Ir redzet taidas vacas mojas  
Un veļ tik toli lauzit kojas  
Nu apriņkvaldem, bankom, skolom. —  
Vai deļ tus miljōnu mes prulom?  
Kas ka pavasarī jau  
Mums zyga, guvs ni maizes nav.  
Tak pristavs nabrauc tovōs mojōs  
Tev (kaidū laiku) labi klojos.  
Nu, slikšok ir ka maizes trykust,  
Ka ustoba uz kokla bryukst,  
Ka tovi lūni porok lati,  
Ka banku veiri, vysā svati,  
Atraida tev lyugumu  
Vai kurvi isviž saplastu...  
Nu, pasaver, tai vysim nav.  
Skot, varas veiru „čomim“ jau  
Izcaltas ir lelas mojas  
Par valsts naudu, kai tik klojas,

#### Rakovsku tumar atsauc.

Pēc Francijas laikrokstu ziņom SSSR  
valdība jau isnaguse sovu atbīdī syntpa  
Parizē Rakovska litā franč; vestnikam Her-  
betam. Atbīdē Padumu Krivijas valdība pi-  
kreitāt Rakovska atsaukšonai.

#### Atrosti 4000 godu vaci roksti.

Ziemeļnorvegijā, pi Brigenas atrosti klīnti  
icersti roksti, kuri, pēc archeologu domom,  
asut icersti priķš 4000 godim, tys ir, veļ  
akmīņa laikmeitā.

#### Socialistu rakstniks slavej Mussolini.

Angļu rakstniks socialistis Berhards Šou  
ēn vosor ilgoku laiku pavadija Italijā, kur  
ipasezinis ar Italijas pašreizeju ikortu, dzei-  
vi un f.šizmu. Tagad tys, kaidā angļu laik-  
rokstā ļuti cyldynojuši atsasaucot par Italijas  
ministra prezidentu Messolini. Mussolini tys  
salsidzinoj ar Napoleonu, pizeimedams, ka  
tu, ku Napoleons givis ar irēčim, tu Mussoli-  
ni gyešot ar sovīm gora īručim.

#### Krivija izdus vysus arkivus.

Valsts kara zandejumu komisijas priķš-  
sadatoj Ladiņš paskaidrojīs, ka tagad asut  
ispejams piprasit nu Padumu Krivijas isto-  
dem arī taidu pasaules kara evakuētū arki-  
vu izdrušonu, kuri veļ nāasūt piteikti laikā,  
kad veļ dorbojuses jaukto revakuācijas  
komisija.

Byutu valams, ka vysas istodes, kas  
interesetas arkivu atdabošonā, isnagtu pi-  
orasijamus valsts kara zandejumu komisijai  
Reigā, Breivības ilā, 37 39 dz. 105. Pipra-  
sijamim jopivīnoj veļ pirodijumi, az kurini  
aizvasti evakuēti arkivini kaidis tim satera.  
Piprasijami jolsnadz leidz 15. novembram.  
**Ku amnestes komunisti oktob-  
ra revolucijas 10 godu jubilejā.**

Pad. Krivijas valdības organi pašlaik  
beidz izstodot amnestijas projektu, sakarā  
ar oktobra revolucijas 10 godu jubilejas svi-  
nibom.

Paradzata piļnīgi izbeigt litas par zodzi-  
bom, haliganizmu, personu apvāiņšonu un  
tamlēidzīgim gadījumim; atļaut tus sudas,  
kuri joizeis leidz vīnam godam, kai arī am-  
nestet tus kriminālnuzīdznīks, kas nuzīgomas  
izdarijuši aiz dažaidim „socialim apstoklim“.

#### Leli vytku bori

uzbrukoši Volovskas sadzai pi Marmapas  
un saplusījuši 4 zemnikus un daudzī mojlupu.  
Izsyutitas karaspaka nudaļas, kuras nušovūšas  
120 vytku.

Kam piļsatā un kam uz laukim.  
Tys licynoj par laikim jaukim.  
I piļsatas mums prelim nok,  
Bez kavešonos, kai var otrok.  
Vajag aizit tik un pasaveri,  
Tyalit var vysu iraudzit,  
Kas dumots deļ mums zemnikim,  
Vai cytaiž — teišim nabogim.  
Te izbyuvets ir varens tylts,  
Par ku jau teikts dažs vordīņš šylts  
Nu dažā loba varas veira  
(zyuoms un nu malim teira).  
Pats Krieva ministrs uz tyļa beja  
Kad mocitojs tu isveteja.  
Pa sapuļcem seņ progresisti brauce  
Un lelā prika plysmā sauce:  
„Caur myusu pyulem, Latgola,  
Tu zelsi smuko dzimtene!  
Jo tikai tev mes kolpojam“,  
Bet nateic: „Tevī apšmaucam  
Ku patisibā dora ti, —  
Myusu gleiti „progresisti“.  
Un Lelajs Vasars sovā „Straumē“  
Labi kuptā malu gaumē  
Par biudžetu tai labi stosta:  
Dze, gondreiz nu vaco losta  
Šī valā tikt veļ navarut,  
Bet, tumar, tak veļ pabolstut  
Nu jauna. — Ku — „Nu sīsīpus“  
Bet lauku ceļus, tīļtīpus  
Taisat poši zemuiki  
Jyus naasot tak veļ aizmersti(!) Z. d.

Kristopa Brema  
INTERESANTI STOSTI  
"CEĻOJUMS pa LATGOLU"  
Moksa 30 sant.

Dabojams tipografijā „Dorbs un Zinība“, Rezeknē

LATVIJA.  
Deputats K. Kuķis nulik  
mandatu.  
Nacionālo centra deputats K. Kuķis  
paziņojis Saemias priķšsadatojam, ka at-  
sasoka nu sova mandata slimības deļ.  
Viņa vītā nok docents L. Ausejs.

„Siseni sportā“  
Naseņ atpakaļ Reigas Apgoboltisa su-  
dijuse ar 4 godi pormocības nomā „siseni“  
Klimoviču un Vladislavu Šerksni ar 3 godi  
porm. nomā par 15 god. vacas meitenes  
izvarošonu.

DZIMTINE.  
Daugavpiļs apr. skulotoju  
konference.

26. septembri Daugavpiļs nutyka skulo-  
toju konference. Kai porvajdes porstovs beja  
isaradis J. Paberzs Izgleitības ministra  
bīdīs un nu skulū Vērvaldes Teivans. Plaši  
beja referats un debatēs par hospitešonas  
jautojumim, kuri pagojūšā godā (zimā), tai  
osi un pat borgi beja nustoditi  
Pēc pedejo Izgleitības ministrijas reiko-  
juma hospitešonas lita golv. byutu nokuša:  
Hospitešona nuteik 4—5 reizes godā, —pyrmu-  
dīnōs vai arī cytōs nedejas diņōs. Protokoli  
par stundes kritiku narokstami. Pisadelet  
var arī cytu icērķu skulotoji, hospitešonas  
dinā stundu nav“. Pēc šo reikojuma nulsi-  
šonas, tod sekoja skulu valdes un inspektoru  
ziņojumi un ziņas nu vītom kurōs kaidis Ra-  
pajs izsuoēja lelu naapmirinotību par tu ka,  
jo skulas skulani it uz Aglyunas katoļu gim-  
naziju. Tod porgoja pi skulotoju porstovu  
velešonas apriņķa skulu valdē. Beja uzsto-  
diti četri kandidati: Grave, Latkovskis, An-  
cans un Spodre. Pi bolsōšonas pisadalija ap  
150 skulotoju. Grave saieme 83 bolsi, An-  
cans—67, Spodre—54, Latkovskis—52.  
Acim radzams, ka ivalati Grave un An-  
cans. Bet Ancans beja navalarus progresistu  
grupai; tyloņē soce debatēt, ka, Ancanam,

# Gaisma pievelk laudis

Tas seviški attiecās uz skatulogu apgaismošonu.  
Labai un pilnigai jābūt apgaismošanai  
lai pievilktu pīrcejus.

Pieprasiet  
paskaidrojimus  
par apgaismošanu  
elektriska  
specialuz-  
nēmumā.



Spodrei un Latkovskam naasut bolsu vairokuma.

Zynoms, jo byutu 67 bolsi Latkovskam tad progresistu grupa nasapretotu un ar ap- plausim tu pijemtu, bet Ancans nav jus cylvaks, tod jomerkaroj ju ataturt. Zals palicis tikai kaidu 60-70 skolotoju; poreji jau aizbrauku.

Soces utro bolsosona, Spodre sovu kandidaturu nujeme, palyka tikai Ancans un Latkovskis. Pyrma bolsosona sauce pec re- gistracijas sarokstim; utra tikai piraksteja bolsa nudeveju uz atseviska papeira. Re- zultati beja taidi: Latkovskam ap 50 bolsu un Ancanam mozok.

Cejas jautojums: vai 67 bolsu nuduti pyrmos velesonos Ancanam sastoda leloku skaitli, vai 50 bolsu nudutus Latkovskam utros velesonos? — Progresisti atzyna, ka skaitlis 50 ir leloks par 67 un pasludynoja Latkovsku par ivalatu skulu vajde.

Skulotoju storp rodos kurnešona pret pi- laistu naitasibu. Taida tej ir tagadejus va- ras veiru progresistu taisniba un skulotoju vairokums uzskota ivarosonas! — Sai- das progresistu reicibas skulotoji nikod na- alzmerss.

Konferences dalibniks.

Pabolsti tryucigim skulanim.

13. okt. sedē ministru kabinets sadalija Valsts budzeta paradzatus 50000 ls tryuci- gus skulanus pabalstisonai.

Sej soma sadalita storp apriku un pil- satu pasvajdibom, pi kam apriku pasvajdi- bom pikerts 35000 ls un porejos 15000 ls pilsatu asvajdibom.

Rezeknes aprikam piskeire 3700 ls, Dangavpils — 3900, Ludzas — 3800 ls, Jaun- latgolas — 3700 ls.

Pilsatu pasvajdibom: Daugavpils — 1000 ls, Kroalovas — 300 ls, Krystpils — 300 ls, Lei- vonu — 300 ls, Ludzas — 500ls, Rezeknei — 500 ls.

Ikalti ministrija

apstyprinojuse „Latgolas Tautas Pilsi“ byuves projektu Rezekne,

Ivarojams koncerts Rezekne.

Svaidiq 23 oktobrī plkst. 8 vakorā Lat- golas Tautas Pilsi myusu ivarojamo dzidotoja Helena Kozlovskā-Eras sareikoj plašu koncertu, pisadolot breivmokslinecai Alisei Dzerkal, oper- dzidotojam Spennešam un vijoles virtuozam koncertmeistaram Jemeljanam Vepertam.

Helena Kozlovskā-Eras beiguse Latvijas Konservatorija, kai breivmokslineca un pec to vel moojuses Italija Milanā pi dzidošonas profesora Morati. Viņa ir pyrmo latgalite, kura igyvuse angstoku izgleitibu dzidošonā.

Jau nu sova dasyta dzeives goda Koz- lovskā-Eras dzidoja Rezeknes baznicā, gon kori, gon ari solo un, dumojams, byus vel dandz tu, kas atceresis viņas dzidru bolsu. 1916 godā dzidotoja aizbrauc uz Piterpili mocitis dzidošone. Itoja konservatorijā, bet revolucija mocisonas portrauc un beja jost- sagriž Latvijā. Jau tod Kozlovskā-Eras uza- stoja vairokus koncertus, igyudama sevišku iveribu, kai myusu tautas dzisumu izpilditoja. Kad nusadybyvoja Latvijas konservatorija, viņa tur istoja jau pyrma godā un pabeidze 1925 g. Pec to myusu dzidotoja aizbrauce uz Milanu, kur turpyvoja mocisonas, pisa- vynodama itaju dzidošonas skulu ar plašu kantilenu un muzyklu izteiksmi. Milanā viņa vairokkort uzaiņynota dzidot sv. Franciska klusteri un Duma baznicā kardināla divkol- pojumā. Aicynota uz Romu dzidot Svatam Tavam. Milanā sareikotās koncertus, viņa igyvuse atzinigae kritikas.

Porbraukuse dzimtinē, H. Kozlovskā Eras sareikoj pa Latgolu koncertus, propogande- dama mokslu un muzykr. 23. oktobrī Re- zeknē reikojamais koncerts byus pyrmais ar tik plašu progr. mu, kura pyrma daļā byus gorigas, utra laicigas dzismas. Izpildis Bachs, Mendelsons, Džordani, Stradella, L'ista, Kai nija, Vitola un o. kompozicijas.

Koncerts teik reikots par lobu Rezeknes Katoļu Baznicai. — s.

Rezekne.

Lai gon mozt ir myusu Rezekne, tomar ari viņa ir jytams pilsatas dzeives pulses.

Isastojot rudigam, lauka dzeive pijam dandz mirigokr, dandz klusoku raksturu, tur- preti pilsatās, šma laikā, dzeive palik strau- joka, vyspnsigoka. Soc dorbotis skulas un cytas, kulturas paceļšonas lobā dorbejušos istodes, kas par vosoru portrauc sovu darbibu.

Tai ari Rezeknē, 15. oktobrī š. g. tyka atklots „Latgolas Teatra“ sezons ar Ad. Alu- nana lugu: „Kas ti taidi, kas dzidoja“. Lugu istudeja jaunais „Latgolas Teatra“ režisors Abrama kungs.

Par Abrama k-gu seviški dandzi tyka rakstits laikroksstis vosor, pec viņa breivā dobā dotos „Vaidelotes“ izrodes. Aisaukames beja cyldynojušas, un viņš tyka atzeits par ļuti spejigu rezisoru. Todeļ var ceret, ka ari myusu „Latgolas Teatri“ viņš izveidos, nu- pitnā dorbā, par nupitnu skatuves mokelas faktoru Latgolā.

Viņa dorba sekas jau beja radzamas ari, pa daļai, uz „Kas ti taidi, kas dzidoja“ iz- rodes. Beja jau paprovi tryukumi šai izro-

dei, bet joivaroj ka tys ir veļ dorba reits myusu akterim.

Skaidrites lumā nabeja atteicoiga talotoja. Su lumu taloja Podis k-dze. Viņas talošnā vyskaistokajs beja dandz izteiošās kustibas, žesti, bet viņas dolsa najaun tai pilnigi talot lumas, kuras saistitas ar dzidošone. Labi tyka talota Boltanna lumā, kuru taloja Podis k-gs. Ari Emsiņš šī reiz beja atteicoigā lumā. Tys taloja Labrenci, un publikai sa- godoja sirsniņus smiklus (šeļ luma ir pošā pa sevim ļuti komiska).

Nu izrodes kupispaidis lobs.

Nokušai izrodei teik gatavota Akuratera luga „Viesturs“, kas tikāst izvasta 18. no- vembri. Šeļ luga jau atļauņ dažim akterim sevi parodit vysā pilnībā. Gaidesim 18. no- vembri. K. V-r-a.

Svaidiq 16. okt. tyka sareikots barnu reits „Latgolas Teatra“ teļpōs.

Jau labi pyrma plkst. 3-jim pylna zale barnu. Ar leiu interesi mozi nosaklauseja sovu bidru rikānasumur. Barnu reitū veļ kuplynoja Valsts Rezeknes skol. Inst. audze- kni ar dzismom, deklamacijom un plastiskom dejom.

Vysleloku pikrisionu pi mozim izpelņija instituta audzекne M. Rjukre ar sovom skai- stom deklamacijom. Viņai ti veļteja ilgus un sirsniņus applausus.

Na plastiskom dejom mozim vyslobok pa- tyka „Zirdziņa deļa“ kuru izpildija 4 insti- tuta audzекnes.

Instituta direktors apsulija mozim ari no- kutnē ryupetis par šaidu barnu reitu sarei- košonu. Gaidisim...

Na teiri mozajr.

Nalaimes gadijums uz ceļa.

Baltinovas pogosta, Bržsolas sadžas 16. godu vacs Dominiks Ločmeļš braucis ar vazumu. Pateicut slyktam ceļam nu- tykuse nalaimē, — vazums apsagozis un zam viņa nuspists D. Ločmeļš.

Laupišona.

Pusmā Leiksna — Dau- gavpiļš uz dzeļceļa slidem atrosts ar vo- jom dzeivibas zeimem kaidš jauns cylvaks. Tys uzjems vilcinī un nugodots Daugavpiļš sorkono krysta slimnicā. No- kušā dinā, kad viņš gojis pi samaņas, pa- skaidrojīs, ka asut Leiksnas pogosta 22 godu vacs piļsonis Heinrichs Kudinš. Kudinš Kupā ar svaini Teni bejuši Dau- gavpiļi un nuperkuši zyrgu. Mojōs brauc- it pi Pogulankas aizgojuši priškā 4 na- pazeistami veiriši un prasijas duit naudu na „bariši“. Kad Kudinš un Teni tu ligušis darit, napazeistami uzbrukuši un meginājuši atjemt 9000 rubļu Kudinš un Tenis sokuši begt, bet, Kud. dre ž panokts un leidz nasamapai sasysts un atstots. Kai nuklvis uz dzeļceļa slidem — nazyna.

Jūku goboli.

Tagadejo mude.

Kaidā ekskursijā, orzen es brauc vairokas personas vinā vilcinī. Storp tom ir veiriši un sivites. Pistotnē N. kaida kondze (ar dzi- lu dekoļte) pasnadz, nuperkuse obeiļus, ari sovam cela bidram X. kungam.

Kgs X. — atvainojat, kdze, šu obeli jo- jam jums pošal.

Kdze — Ne, na, lyudzu, vysi ekskursanti teika, ka iis pidar jums.

Kgs X. — Pretigi, esu druss, ka ji vysi, kai vins pikriss man topec, ka jums ir vina imesle, kura skaidri liecyno, ka jums pyrma- jai joad obeli!

Kdze (zinkoriga) — kaida imesle? Lyu- dzu pateicit.

Kgs X. Šaubus, vai jums ju pateikt. Na- gribu jynsu apkaiņynot publikā.

Kdze — nasadusmošu, lvadzami pasokat.

Kgs X. — Nu, galigi, jo tai apgolvojat, tad varu pateikt. Zynit kopec jums joad pyrmajai šu obeli. Iva pyrmo ede obeli pa- radizē un tyuleņ atsadareja jos acis... un jej soka kaunetis pošā sevis. (vysš vagonš soka applauksinot kga X. protigai pizeimei).

Kdze (ausorkuse) — ku darit kgs, ta gad taida mude pagoja.

Uz putnu terga.

Jezups — Vasals, Broņka, kai it? Ku tu, vai nasataisi tik perkt vornaš? Bronislavs — Ja, es gribu nuperkt vornaš.

Jezups — Ar, sabri, kas ar tevi tyka? Ku tu darisi ar tik najanku putnu?

Bronislavs — Lui sev najauks, bet es dzerdeju, ka vorna dzeivojunt vairokns symtus godu. Un mes ar siva sarunojam ju nuperkt, lai pašim porsalioņnot, oik tys sakreit ar patisibu.

Porskots.

par zemes ireicibas dorbim Latgolā leidz 1. ok- tobram 1927. g.

I. Fonda zeme.

Sadolomos fonda zemes platiba . . . 462,506 ha Porjymts sadalisonā papyldus . . . 14,030 „

Kupa 476,536 ha

Leidz 1. janvaram 1927. g. sadalitis . . . 469,702 ha Nu 1. janv. 1927. g. leidz 1. IX. 27. sad. 5,990 „ Nu 1. IX. 27. leidz 1. X. 27. g. . . . 14 „

Kupa sastoditu sadalisonas projekti uz 475,706 ha

Idalits atsevisku zemes vinibu leidz 1. jan. 27. g. 23,368 vins. „ „ „ „ nu 1. I. leidz 1. IX. 27. g. 609 vins. „ „ „ „ nu 1. IX. 27. g. leidz 1. X. 27. k. 7 vins.

Kupa, saskaņa ar sadalisonas projekti idalitis 24,002 vins.

Bez tam veļ sastoditi sadalisonas projekti uz 830 ha, idolūt 49 vinibas, kas nu C. Z. I. K-jas nav veļ apstyprinots.

Pizeime: Uzroditajs papyldu sadalisonā porjymtajs zemes fonds sastov vys leloka daļa nu nakuļivetom zemem. II. Sadžu zeme.

Leidz 1. janvaram 1927. g. sadalitis 593 sadžas, idolūt 11,063 vinsatas uz 115,957 ha. Nu 1. I. 27. leidz 1. IX. 27. sadalitis 407 sadžas, idolūt 7,131 vins. uz 72,200 ha. Nu 1. IX. 27. leidz 1. X. 27. sadalitis 23 sadžas, idolūt 322 vins. uz 3,082 ha. Kupa 1.013 sadžas, idolūt 18.517 vins. uz 191,239 ha.

Palik nasadalitis 2605 sadžas ar 30.717 vinsat- om uz 302,708 ha. Nu šo skaita sastoditi veļ sadalisonas projekti 268 sadžom, idolūt 4803 vi- nibas uz 44,042 ha, kas nu C. Z. I. K-jas veļ nav apstyprinots.

III. Dokumentu izgatavošona.

L. Fonda zeme. Septembri Pavysam uz 1927. g. 1. X. 27. g.

Table with 2 columns: Description of documents and their counts. Includes Publicita iskaitišona valsts zemes fondā, Piprasits porvest uz valsts vorda, Porvasti uz valsts vorda, Izgatavoti sadžu vinsatu plani dokumenti.

„Dorbs un Ziniba“ drukotovā dabojamas jauno parauga

Mojas gromotas

gleitūs vokūs, uz loba papeira un akuratā izstrodojumā.

Moksa 60 sant.

Vairumā. — — — — — Mozumā.

Lauku moja pordudama,

Madonas apr., Vestenes pog., vysa vai pa daļom. Tyvokas ziņas Reigā, Dzernovu ilā № 66. akc. sab. „Agronomš“.

Sludynojums.

Vydsmuizas pogosta valde š. g. 4. novembri plkst. 12 pogosta valdes kanclejas teļpōs izren- tes canr torgim vairoksulitojim beļ. Vydsmuizas kruga d. eivukļa, veikala un nulyktovas teļpas uz vynu godu.

Dalibnikam ipriks stošonos torgūs joimoksoj pog. valdes kasā drušibas nauda Ls 20 apmarā. Tyvoki nuteikumi — pog. valdes kancleja. Pogosta valde.

Jau 4 nedejes tam atpakaļ pazuda

Ignats Zvidra 27 godu vacs, Makašonu pog., Škerbiniku cima. Pazudejs beja voja prota. Kas ku zynotu par tu teik lyugti paziņot Maka- šanu pog. valdei.



„Hoka“ — Normal dag 4 st. „Hoka“ — Ekstra dag. 5 st. bez portraukuma. Ar por- traukuma itgoki. Dabojamas vysur.

Centralo Saviniba „KONZUMS“

pijam dzeivas barotas cyukas eksportam kuppordušonas veidā sekušōs stacijōs un dinōs plkst. 8 nu reita:

Table with 4 columns: Location, Date, Day of week, and Frequency. Lists various stations and dates for goods distribution.

Cyukas, vadut uz staciju, nadreikst tos ni sit, ni sist, jo mozoki zylumi odā padora eksportpreci mozvertigu.

Teik breidynots nu cyuku porlicigos barošonas ipriks nudušonas stacijōs. Nateik pijemti: kuili, vacas syvanu mōtes, gryusnejos, voji barotas un slymas cyukas, kai ari cyukas zam 5 pud. dzeivsvora.

Pi pijemšonas stacijā tiks tyuleņ izmoksoiti 50% nu pylnas vertibas.

Centralo Saviniba „KONZUMS“, Reigā, Dzernavu ilā, 68.

Table with 2 columns: Description of items and their prices. Includes Nusyutiti vacokam notaram koroborešonai vins.dokum 475 7875.

Atbīldigajs redaktors: J. Veļkme.

Izdevejs: Kristigu Zemniķu Partija.

L. K. Jaunotnes B-bas, Viļanu nudajas montu loterejā ir vinnejušas sekusas nauzrodi- tas bijetes:

Table with 2 columns: Lottery numbers and their corresponding prizes. Lists numbers like 202, 305, 469, 508, etc.

Pizeime: Menesan nutakut pec šo izsludynošonas naižymtos montas palik bidribai par lobu. Vinneti sajamami Viļanu draudzes kanclejas

Piprosat N.E.F. elektrobata- rejas, jo viņas ir ar vysloboku gaismas speju un ilgu degšonu.



Pec smaržas,

pec gar- šas storp peipiu tabakom apskauža- mu vitu ijem RUHTENBERGA ci- garu fabrikas

„Cigaru atgrizumi“

(50 gr. — 50 sant.)

Bet—tikai naazmerstiit! — vinigi tad ti byus EISTI, jo isaiņojums byus taidš pat, kai augšā uzņemets— ar Ruhtenbergu firmu un vynu cigaru.